



息庵集 三

擣椒録 上下

共十二

~16  
2399  
3



和  
2399  
12-3

息庵先生遺稿卷之六目錄



擣椒錄

上一百四十三首

高陽留別內外諸從

韓肯世來見坡山仍袖五絕為別走次以謝

重謝肯世

松都

謁崧陽書院

上大興山城南門

看朴淵

道淵自金川還京與之

次副使示書狀

韻感

葱秀山次副使韻

題所已鎮館

觀蒜山築堤用副使韻

次副使黃岡途中韻

箕城書示書狀求和

西京感古

次副使韻奉贈西伯

懷羨陰

安興感懷八首

過新安有感二首

有感

次李公彛仲韻

復疊副使周字韻

龍灣次副使韻

留龍灣會武士射帳

遙寄李季心學士

鳴江別灣尹

九連城次書狀韻

龍灣雜詠十絕

抵鳳城聊占一絕謝山靈

次書狀韻一首

次副使韻

次副使途中即事韻

復疊前韻二首

通遠堡夜中不寐

又疊前韻二首

疊驕字韻

次書狀韻

次書狀韻

憇水站

途中記聞六首

復疊驕字韻一首

四疊前韻

復疊前韻記感

次副使刪字韻四首

望駐蹕山有感

遼陽

次副使遼陽志感韻

瀋陽

記夢

更疊封字韻

次副使瀋陽韻

復次

夜中不寐後次違字韻

送灣尹軍官先歸

次副使復疊前韻二首

次副使韻

恠殺二首

宿老邊城

巨流河

遼野

復疊前韻四首

望醫無閭山

羊腸河

醫無閭復疊前韻

甲軍

閭陽途中望十三山

巨魚

廣寧

大凌河吊古

途中遇大風

杏山

塔山次副使韻二首

寧遠述感

過祖大樂牌樓

次副使韻

次書狀望覺島有感韻

又疊差字韻

又疊

次副使曉行韻

次副使差字韻

山海關次副使韻四首

贈山海關傅教授

山海關犀帶豹裘並為偷兒所竊漫成二絕

留山海關

發山海關

過榆關店

次副使途中韻

望夫石

途中雜詠八首

沙河驛

榛子店壁上次女子蘭韻

復疊前韻和副使

次副使韻

玉田贈王公濯

次副使韻

薊州觀戲子口占

次副使韻

次副使薊門韻

次副使漁陽韻  
二首

滹沱河口占

途中記所見

烟郊舖遇大風

佟翰林

通州  
二首

東嶽廟

次副使韻  
二首

次副使韻  
二首

途中記所  
八一首

題畫  
四首

詠荔茭

詠蒲桃

除夕

息庵先生遺稿卷之六

擣椒錄上

高陽留別內外諸從用 先祖文貞公丙戌燕

行留示孫兒韻

弱國金縉役長征車馬徒明歲高陽約逢迎雙玉壺

過坡州途中見雙石佛有感

胡騎如風雨三朝到碧蹄堪嗟雙文佛不及一九泥

韓掌令肯世來見坡山客館仍袖五絕叙懷為

別走次以謝

雋永詞壇當孽麟吳興脚跡更精神 聖朝闕失知



何有新得臺端獻納人

又

丈夫行止本恢恢擬踏遼燕幾處臺望海平臨齊海  
澗角山低看泰山嵬

又

西來百里義殊高况復新詩勝故袍廊廟雍容真不  
分山河跋履莫云勞

又

憶曾冠盖接中華海內車書正一家戎幣即今非宿  
昔朔雲邊雪只堪嗟

又

脉脉離懷語未宣停車道側只情憐君歸為報阿兄  
道明歲春郊待我旋

末篇被屬中兄戴明

重謝肯世

我為萬里行君來百里別別後兩相望燕山一片月

松都

冬煖猶能動朔風長郊漠漠捲寒蓬沙川一望天磨  
色故國河山夕照中

謁崧陽書院即圃隱俎豆之所其年松都儒生  
以清陰金文正公暨我先祖文貞公同享是

詞

五百年中一圃翁文山壯節伯夷風三峰胙土紛封  
削爭及崧陽數畝宮

上大興山城南門

廿里笥輿上絕區層隍高與白雲俱群山地底皆平  
貼下展峰紋百幅圖

朴淵時久旱瀑流甚少或云自築城以來山中  
人衆萃集汲用頗繁多斫樹木舊日泉澗亦漸  
枯乾矣

我記廬山面貌真瀑流從古掛天紳奔湍濺沫寧嫌

少洗盡長安幾斛塵

道淵自金川途中還京書扇頭與之

文成客座留私祝諸葛窮廬有戒辭今日路歧無別  
語好須歸下董生帷

續得朝報 聖上以冬暖有雷無雪 下旨自

責招延耆碩廣求直言小臣職忝輔相今雖奉  
使出外不勝憂畏之忱茲用副使書示書狀韻  
志感

如何風擊繼霜摧冬暖潛陽又失開每懼三精恒塞  
霧頻聞百里有驚雷駸駸短景方南至杳杳長途且

北來喘 命小臣憂倍切當朝誰是濟時才

葱秀山次副使柳諫議韻

古館淒風夕滿林暖晴冬日陡寒陰蕭疎冷葉辭柯  
響滴瀝幽泉扣玉吟征馬未容頻息足觀魚聊且一  
清心紫陽健筆雲岡語緬憶皇華感慨深

題所已鎮館 在瑞典

宿昔勞經畫今朝過戍墻諸屯萬戶置高壘一夫當  
地理關西錯山根嶺北長還須新邑宰毋學彼南陽  
觀蒜山築堤處用副使柳公韻

治水非隣壑修堤合種林龍驚移窟宅氓喜雜謠吟

濟筭須群力成功在一心為言操錘者蟻穴戒宜深

次副使黃岡途中韻

未賦歸來賦遠遊行裝吾媿異觀周流年紫極今將  
老是歲黃岡又北州遙浦帶回寧繫悶遠山眉蹙却  
生愁巖城欲閉樓鴉定永夜沉吟思獨悠

箕城書示書狀求和

栽松十里接官堤艤得蘭橈落日低冠蓋即今通薊  
北繁華從古說關西錦筵釵髻凌一出玉帳鞞刀百  
隊齊更有雕欄江上望定應霞鷺待君題

抄選之事 故第六云

時有禁衛 隊十有



西京感古

今古無端惱殺儂  
舊都樓榭溯餘風  
牡丹峰擢思遼  
伯浮碧江空憶李  
公雲物尚留遊  
賞地山河不廢戰  
爭功煩君且向含  
毬望井畫依然亦  
沒蓬

次副使韻奉贈關西李方伯

世華

西來快意共巡遊  
專制真推識慮周  
舊擁千夫臨薩  
水新兼兩察領箕  
州將藏胸甲資時  
策士引臂弧破  
客愁閭井况聞氓  
樂業雪山今重得  
君留

懷羨陰

小築新成壓上江  
高秋日日倚軒窗  
今來塞外二千

里坐想湖中白鳥雙

安興感懷八首連環體

二十年間再度來  
依然關鑰舊樓臺  
書生袖裏芙蓉  
鏢願决頑雲直北開

又

願决頑雲直北開  
長風挾我上崔嵬  
峒峒香岳當天  
起歷歷清川抱郭廻

又

歷歷清川抱郭廻  
海門歸路接登萊  
如何儼接皇華  
地無復仙槎奉詔來

又

無復仙槎奉詔來  
塞門頻見喝書催  
金繒此日和戎策  
弱國寒妻恨豈裁

又

弱國寒妻恨豈裁  
征車我亦指燕臺  
桑蓬宿志今何有  
第看山河表裏迴

又

第看山河表裏迴  
慈城百仞白雲隈  
城名曰母良焉往  
廟號稱忠世所哀

又

廟號稱忠世所哀  
宜春殉烈更奇哉  
當時慘悽經營地  
疑有鞭風與駕雷

又

疑有鞭風與駕雷  
可無蘭藉又椒杯  
重尋往迹偏多感  
二十年間再度來

過新安有感贈柳絮

又

憶昨尋春日花紅  
柳未絲今來花落  
恨佳有柳偏知嫩  
綠初楊柳風流遽  
如許當時花灼爍  
零落今何處有感

清池曾映赤欄西百種嬌花出水齊花落今來時物  
改數行衰柳向人低

次太學士李公彝仲敏叔韻

自笑平生寡短長從來心計錯脩廊亦知遠使慚樞  
弼安得橫行效舞陽多病嫩臙兼近臘易凋疎鬢轉  
添霜祗應幹事東還日休祿期追漢代良

復疊副使周字韻

春闈結髮舊同遊榮落中間歲幾周今日載書公副  
价當年推轂國西州關心行役常憐病到眼篇章却  
散愁治理更看遺愛在芳名處處勒珉留

龍灣次副使韻

冠蓋紛紛此往還飲水吾且涉水灣岳家舊誓黃龍  
府軒相遺蹤白馬山未怕夜中誇劍槩只愁春後滯  
刀環何當歸去湖亭上坐看波鷗滅沒閒

留龍灣日會武士射幟

義順門前布鵠開鼓聲終日響晴雷從君願借連珠  
手射取陰山白額來

得京報信使之行已還朝矣驚喜之至遂占

一絕遙寄李季心學士

聞道樓船使蓬萊採藥還吾非築城者獨自向燕山

鳴江離別灣尹

絕塞登臨地攜君雙玉瓶乾坤三大水夷夏一高亭  
海接鯨濤白山連鵲岫青今朝過此去吾欲醉無醒  
露宿九連城次書狀韻

三江十里一水通藉草餐風馬轉東依依却記前宵  
事燈燭閒房錦繡紅

龍灣雜詠十絕和副使

廿日驅馳出漢關箭門嶺上望龍灣黃沙白草麟州  
戍落日寒雲馬耳山

又

亭臺自古登臨地詞客如今吟賞多青絲赤羽君平  
語字字山河岳老歌

又

延州木高麗地年代茫茫古跡存東國亦曾收釣  
築至今人說乙巴村

又

先王遠狩龍蛇歲上國專征熊虎兵欲識吾人恩肉  
骨請將深淺較東瀛

又

丁年獵火照天紅鎖鑰西門付老聾舉朝未有申包

節通判先成卯發忠

又

林家小豎生奸詐曾向龍灣擁節旄棄命一朝逃海  
去邦人錯道是雄豪

又

九龍淵中九條龍千歲深藏老鱗甲定應抱子冰底  
臥預教明春行雨法

又

壯士初調宛馬騎千金不惜作鞍鞵連錢背上模糊  
血知是胡山射鹿歸

又

灣州女子十七八窄袖襖襦兼縐吧今朝鴨綠試新  
冰照爛紅粧跨白馬

又

龍灣大賈計然術終歲金綺爛作窟最是江州一條  
蓑換得蠙珠大如粟

渡江三日得抵鳳城舊聞此地虎豹交跡今行  
絕無林間咆吼之物聊占一絕以謝山靈

朝行絕漠人烟斷暮宿穹林豹虎多今日山靈勤護  
我塵清百里見攜呵

次書狀韻

此地如何度此晨強將歡笑豈情真別離故國還多  
日時節殊方又小春

又

侏儻隔壁閉昏晨况復賈叟認未真一事尚為郵卒  
幸仲冬天氣煖如春左傳云賈而欲廢而惡叟乎

次副使韻

天時人事奈相違霜雪今冬又覺稀綠欄薄漸寒  
淺著林輕霧晚猶霏未論此役來殊服長憶吾君  
尚早衣惆悵鐘鳴行不息白頭羞道宦情微

次副使途中即事韻

古有輿梁政今無十月橋店寒還阻埃車駭即衝輶  
且莫求杯水那能販束樵計量仍自笑無恠爾名驕

復疊前韻

每誦清詩意不違當朝標格似君稀在懷珠玉堪成  
佩落紙煙雲賸作霏此日萍蓬殊遠跡他時薜荔有  
初衣沉吟欲寫心情語的的燈到曉微

又

卜築湖亭在漢陰第一橋近山紛入席緩步亦當輶  
蓮勺陂堰釣王官谷可樵投閒幹事日吾意貴無驕

通遠堡夜中不寐成俚語

公然不寐到三更百疾交侵百慮縈真箇賤人還勝  
貴榻旁多少鼻雷聲

又疊前韻

長程短店未教違絕峽人煙百里稀每遣朔風爭樹  
籟旋催寒景隱林霏前宵鴨水依氈幕來日遼陽問  
羽衣如此趁期終歲去幾時令節到三微

又

郊扉卜築計真違舊伴漁樵恐亦稀湖上烟霞曾媚  
嫵天涯霜雪卽零霏驅來燕駟無停轄著得蘇貂有

弊衣歸日歸休吾熟慮向時筋力覺全微

又疊驕字韻

陟峻宜循級架空亦待橋方行萬里遠正賴一車輶  
曉發催晨秣昏投伴夕樵互鄉難責義徒旅莫相驕

又

憶昨辭朝日群公出濟橋別筵羅酒爵官路集軒  
輶咏駟停行李唱驪到返樵殷勤贈策意慰我聘天  
驕

次書狀韻

昔年宗會記辛庚南國聯翩有弟兄翹陸已憐騰驥

息庵先生遺稿卷上 十一  
足搏風還喜聞鵬程詩書我忝青氈業詞藻君傳白雪聲  
命此行同萬里時將羈抱展來平

次書狀韻

嘉牒曾知置後車計存收族未宜虛滔滔江漢分流  
遠鬱鬱枝柯體幹餘定有輝光徵琬琰絕勝文藻振  
瓊琚望君此日誠非淺正憶張公九世間

甜水站

客子侵晨發迢迢征路難方冬行絕塞前夜宿連山  
覆軸從三折回崖自百盤胡人重操切愁憤不容刪

途中記聞

尚家寶樹名珊瑚二尺高枝六六株坐中莫恠生華  
月枝上分明綴夜珠

又

陰山漆鼠大如駒八尺衾毛二寸俱最是單于歸獵  
夜擁來消雪等紅爐

又

宣和天子帝中華猶逐師師入狹斜自是單于輕禮  
法不妨今夜宿姬家

又

聞道蚌池兀喇西珠光夜夜照紅霓君王此去擬親



採不乏千娥作寶笄

又

黃台遺種日驕凶恰似建州初發江歲萬黃金猶未  
厭又來山外犯東蒙

又

吳王死後家兵罷盡向東屯作店良可憐關外三千  
士不及島中五百人

復疊驕字韻

客路同巴峽歸心在洛橋羸驂愁叱馭倦僕快反軛  
截壑看橫約綠雲認細樵慣知青石險胡馬亦難驕

又

遼野千年塔漁陽百尺橋此行常結轍幾日定歸輶  
苦厭瓊爲幕長愁桂作樵久聞柔亦勝嗟爾莫驕

四疊前韻

旅病心情事事違他鄉物色聞曾稀篋林浙瀝終風  
曠隔岫冥濛似雨霏當案沙堆恒損食透簾寒急轉  
添衣春糧啜藥元殊道參朮隨身奈力微

違離京國已浹月矣不勝戀闕之懷復疊前

韻記感

憶昨趨班忝弼違許墜金殿寵恩稀雙開扇影依

依閃直上爐煙細細霏掌閣珥環垂翠袖分庭鳴玉  
引朱衣今來絕國長回首夜夜清光望 紫微

昨荷副价暨行臺二公惧以刪字二篇見示咳  
喘方苦未即和復今始強疾吟成四首奉呈求  
教

首路燕雲日無如鳳柵難吏言籠失水人記虎窺山  
風颭箱書燭塵霾蓐食盤羈憂真萬斛湏瀾幾時刪

又

數日燕行苦無如東站難纔經八渡水尚阻萬重山  
馬足凌兢度羊腸屈折盤排愁詩句在蕪拙不須刪

又

直度連城易長征遼野難停車問往事駐蹕有前山  
鶴認千年化鵬看百里盤哦詩稍足料雅興未全刪

又

玄冬行且遠白雪和彌難隴首思吳守江南憶子山  
遺音陳廟瑟清響落珠盤騷律推高手懸知不敢刪

望駐蹕山有感

慙愧長城詰老摩迷樓結綺儘同科秦王若更逢隋  
主問著東征且奈何

遼陽

舊識遼東卽我東中間爲漢屬元封城邊太子魯奔  
水塞外天王有駐峰幾憤公孫資躍馬還悲志士悔  
盧龍唯看白塔衝霄立化鶴無因更問蹤

次副使遼陽志感韻

客令感是也非當時誰見鶴來歸千年一返今無  
益莫向胡塵染縞衣

瀋陽

遼瀋中原失于今歲六旬漸營新窟穴猶壯舊城闔  
塞日翻成稜邊風易作塵熊楊死太枉哀痛尚遺良

是日白虹貫日熊楊指燕廷瀋陽鎬也

記夢

縹緲村亭倚晚霞畫中光景夢中誇恠來作客龍荒  
夜一霎江山餉已奢

更疊遼陽封字韻

傷心此日訪遼東前代燕都視內封萊碣坐通西接  
海華戎分隔北來峰千年羽化猶傳鶴亂世名完不  
媿龍欲向遺民問往事荒墟逝水杳無蹤

次副使瀋陽韻

絕界遼陽更北過黃龍自古戰爭多舊時奚部誇千  
帳今公夷王笑六驃校禮岱宗知白嶽投鞭金祖認

渾河千秋痛飲成空誓淚落羌兒幾曲歌

復次

呼蠻呼獫各聽過鳥鼠鼯果孰多嫁漢娶胡都是  
虜似驢非馬亦成騾中原盡入完顏界武力爭推曳  
落河最是中宵堪墮淚奚兒齊唱鼓囃歌

患寒數日咳喘甚苦夜中不寐復次違字韻

客土殊風與我違病中心緒得安稀唯餘短髮添霜  
皓轉覺昏眸著霧霏銷惡麝輕還隔幔辟寒犀乏但  
兼衣深更不寐恹惶甚伴得孤燈午夜微

臘月初四日灣尹軍官林時擘自瀋陽告歸修

狀 啓且付家書問狀 啓到京之期當在十

六七間云

故國人歸且付書關山新月正如梳想應書到家鄉  
日皓色微虧似月初

次副使復疊前韻

離灣已千里抵瀋恰周旬白塔看新堞黃龍訪古闡  
經營大盜積滾就萬胡塵披髮伊川日爲戎媿此良  
又

英豪歷歷眼中過上國興亡感更多就使臺城來白  
馬不將棧路試青驪刺工雙虎開山海驅得千馳暗

洛河從古冠裳文物地盡供哀怨寄樵歌

次副使韻

二流八渡飽辛艱  
塞傳來穿萬馬關  
金復數州俱被  
海東蒙千部盡依山  
傷心羶羯淪諸夏  
極目烟塵到  
百蠻預想玉河經  
月苦幽愁何異繫南冠

恠叔

恠殺當門整佛冠  
低眸上手鼻瞻端  
若果冥心求證  
道何須街路要人看

又

家家設榻供金像  
處處開龕拜夕爐  
恠殺劉翁五十

子爭誇一半誦南無

張子山有劉文夏者其父劉翁娶六夢生子五十一餘人文夏自

訖吾兄弟分處東地者甚多而一半誦佛豈不盛哉

宿老邊城

邊城萬里地此夜駐征旄  
行役催人老鄉山費夢勞  
風來朔野曠雪罷曉雲高  
郵檣多寒凍今憂正爾曹  
巨流河復疊前韻

此地經旬任駐過故疆  
新俗亦聞多商胡或畜彌山  
馬野店人藏負碾驟東堡  
舊民猶識麗北方流水盡  
各河陸沉儘有傷心處  
羌舞奚笳救勒歌

遼野

一句驅傳出遼關大野茫茫築路盤世界每疑藏粒  
小塵寰乃有敵瀛寬天形渾蓋憑誰卞日御升沉獨  
我看若對莊生論此理羈愁亦足破辛酸

復疊前韻次副使

廣漠真無似此醫閭東畔接高盤乾坤依附端倪  
合日月回旋境落寬種後樗柯栽得蔭怒餘鵬翼展  
來看拘儒管覩形容處自媿望洋語轉酸

又

驅車軋軋莽蒼間何異驢巡只舊盤幾日高平行得  
盡直登山海望來寬薊門烟樹依微見尚父擬封隱

約看物理回環元不爽佇迴甘味謝前酸

又

生平慕悅貢王間况復茲行共趙盤府吏縱歌吾甚  
倦邊良損口子爲寬交情且莫形骸累志業還須鬢  
髮看他日政歸宜自勗毋將世味壞鹹酸

又

牛川家在水雲間是處真堪隱者盤千樹梨花巖洞  
靜一輪秋月渡迷寬盛年仕宦時能得晚節江湖世  
孰看正欲與公論此著非緣俗態轉辛酸

望醫無間山

指點醫間縹緲間青蒼一抹露天端縱然約略非全  
面佳氣先從眉黛看

羊腸河

曾識羊腸有峻坡如何此名又此河于今細揣人間  
事直道全稀曲學多

醫無間復疊前韻

曾無培塿著遼關忽有嶺岫百里盤分隔華戎形曰  
壯平臨溟野界全寬河山不逐興亡變堞壘徒憑涕  
淚看仍憶靈均騷賦語遠遊歌罷倍心酸

甲軍

帶羽高頭駿八稱是甲軍在途偏六馬入室動生羣  
偷有難醫癖塵成不掃氛行行長作伴辛苦莫須云

間陽途中望十三山

行盡醫間刮眼看道傍還有十三山詞人彩筆長留  
架少女明粧尚舊髮綿絡楚疑添四岫飛來巫峽剩  
餘巒遐荒絕漠終非地合置天台鴈宕間

巨魚

聞道官輪北海魚強名吾亦見莊書專車有類防風  
肯吞舶曾游浴日墟未怕秦弧嘗浪射誰言漢網近  
三疎懸知借鼎面牛處厭飫仍看遍九間

廣寧

十六

欲向醫閭訪故蹤山河慘愴夕陽中邊功百戰推寧  
遠絕學千秋仰賀翁寰宇即今殊內服窮荒何處覓  
儒風傷心最恨前朝事強敵當門尸老熊萬曆初廣寧總兵李

成標以戰於東征者也賀郎中欽聞白沙陳如栢印有封東征者也賀郎中欽聞白沙陳獻章之風而於之謂受學為高弟早退隱居于此學者稱爲醫無問先生有文集三冊天啓初巡撫王化貞守廣寧聞虜兵至不戰自潰朝廷並建經略熊廷弼論死天下惜之

大凌河弔古仍疊魚字韻

人方刀俎我方魚日日凌河奏急書萬竈銷沉同亂  
磧千隍剗削作荒墟呂文未救恩終失武先誅計

亦疎不識盧公何處死定應英爽鎮醫閭

明朝既失廣寧之後

凌河數百里之間有三十年百戰之場祖大壽大樂兄弟以世世遼將初從孫閣部承宗叔復凌河後守錦州清人掘壘三重為圍三年猶不降糧盡不繼大樂先降入城鞫之乃降與宋煥初以煥文德兄弟守襄陽事絕類袁督煥竟以虜迫皇都剛死巡撫盧象昇者亦以治流寇有名楊嗣昌忌之以任遼前庚辰年問戰死而塔山死義最烈計策尤奇意其將必盧公也然無可徵

途中遇大風

萍穢雲陰綴曉空疎英無路下宵中似將欲下天山  
雪忽復先驅瀚海風驟向崩城疑搏石轉來平野怯



飄蓬帽簷側盡冠纓斷試拂衣塵一寸蒙

杏山

宇宙千年變山河百戰迷停車愁獨立落日杏山西

塔山次副使韻

國史今難見將軍姓字埋爲言當日烈偏覺塞天羸  
世已淪羶酪人方足賦豺英名誰敢浪懸揭定無涯

又

誓與城同破何須戰骨埋雷車兼電幟火烈更風靈  
秘略疑神鬼精忠動虎豺人亡千古恨遼海並無涯

寧遠述感二十四韻排律

往屬昇平日三邊荷帝靈山河大布置關輔壯基扃  
凌水連松杏間岑接錦寧旂常懸日月礎斧肅風霆  
擁節曾徵戚推鋒亦擢綖猶堪綏四服尚冀輦千齡  
別部隣山白爭端啓海青中朝嗟不振末運又斯丁  
秦祲方流毒胡塵遂一腥漸看隳堞壘旋復納門庭  
士媿軍容幕人憐督府圖哥舒生足耻盧奕死彌馨  
晉水城三版驪陵火一星三精歸震蕩九宇盡迷冥  
羌曲通蠻舞榆林到桂溟已循陵律髮爭易介鱗形  
大鹵千馳暗平沙萬燐煢遺隍堆破甃空塹填枯萍  
慷慨心如割嗚呼涕自零亂亡推往迹用舍失明廷

實痛溫楊蔽虛調洛蜀停輸金藏閣貨琢玉建樓銘  
罪將須常典佞臣合重刑題詩續麟鉞擬與鬪髀聆  
過祖大樂牌樓又有祖大壽牌樓而其篆豸奇巧不及高亦減數丈矣  
瑤閣銘勳甲第東層標金碧尚玲瓏勒珉解道雕冰  
易架玉真同刻楠工當日癡心憂石爛祗今釁罪認  
天通提兵不讀嫖姚傳痛爾還虧四世功

次副使韻

雕珉錯璧尚差差神云知應役老倖盡謝榷柁常結  
構全虧山岳與撐持沉碑正待滄桑際架石還期爛  
泐時可恨世臣今負國誰將孟飯餉敖饑

次書狀望覺華島有感之什島距寧遠不滿十

里 先祖文貞公丙子朝 天時阻敵兵留此

踰一朔云

吾祖朝 天歲于今半百云世真成異代書亦失同  
文國弱方愁救孫孱敢道勤唯君借此役萬里慰離  
群

又疊差字韻

誰能適我意參差百巧徒然想妙倖筭飯當昏翻斗  
甬汲水終夜響軍持燕山正憶東園日浪泊還思下  
澤時竣事行將穿峽去滿畦芝木足療饑

東園用穎濱燕山詩

謂軍持梵  
云汲水器

又疊

祖家雙閣對參差誇伐何須費巧倖健將當年無若  
比殘兵幾歲與胡持百途力瘁嬰城際九仞功隳倍  
國時最恨千金歸日闕軍中半菽泣寒饑

早發向中後所炬絕失路次副使曉行韻

燎殘月落斷村雞半夜多歧却轉迷峻級轎欹知側  
坂薄冰蹄響認前溪但循斗極方看北欲候朝暾又  
向西未曉襄城會類此戒心聊復托詩題

副使又疊差字韻見示韻強詞敏殊可珎也更

步其韻

文章於道未參差亦有人工奪巧倖換骨本來期變  
化輕心唯在務存持典刑魯禮雍容處敏妙僚九脫  
手時可笑退之底苦惱却將論著說寒饑

山海關次副使韻

臨洮延袤抵燕遙幾處亭墩幾櫓譙羸氏設防區絕  
漠魏公增築爲全遼溟波激盪群鯨戲岳勢奔騰萬  
馬驕觸張今來無限恨臺城雖固奈亡蕭

又

飲馬秦城下停車古塞旁卽今關第一自昔號稱長

拔地山仍堞粘天海作湯前朝猶不守何處問興亡

又

魏築因秦險崇墉截巨濤事堪懲晉宋才亦出蕭曹  
虎豹當關立魚龍出海逃嗟今人代變遺恨轉滔滔

又

次第邊城失當年此亦孤深讐天豈戴大盜地終輸  
西北崩隍在東南半壁無白頭還舉事吾且爾何誅

此篇專指吳三桂

贈山海關儒學傅教授

關門紫氣正氤氳欲訪真人倘是君架上秘書三百

軸此中應有五千文

入山海關從者不戒犀帶豹裘並為偷兒所竊

漫成二絕

擾擾秦關路紛紜車馬塵貌同心自別誰是偷狐人

又

吟詩戒太瘦行役貴加餐縱令腰圍減無從驗帶寬

留山海關

萬里亘長堞三重起疊墉輪蹄晨合杳歌吹晝于喁  
詎有真人氣偏雄塞國容關譏循故事滯客正愁儂

發山海關疊蕭子韻

近臘深冬夜苦遙曉傳餘漏尚南譙紅裝計日將踰  
蘄歸夢連宵却渡遼偷手捲包頰告警倦蹄當秣斲  
生驕平生刺刺深知戒鬢髮飄騷已化蕭

過榆關店

堙塹紆回萬里尋秦城盡處卽榆林齊民已困猶殫  
力羸帝雖愚亦苦心當日幽都會漢塞此時羌笛總  
華音停車悵望沉吟地釀雪寒雲故作陰

次副使途中口占韻

撫寧古名邑風烟今半凋棗林收晚實楊柳損長條  
近岫名徵兔遙空勢沒鵬湖翁有舊詠三復慰無聊

望夫石

一片望夫石行人指點稱貞心曾莫轉芳質遽先凝  
塞雨常沾頰邊雲爲掠髻山頭屹立處千古恨難勝

途中雜詠

武昌山下望夫石樂府人稱王建詩今來我訪長城  
外千古流傳亦可疑

又

曾聞種棗多芳樹亦道仙碁有古臺定應樵子嫌柯  
爛却並交梨偷得來

又

右撫寧

食... 卷九  
二...  
抵殘萬柳庄邊柳尚欲臨溪弄嫩絲今日偶然晴且  
暖風烟絕似早春時

右萬柳庄

又

十哲蓋言從蔡者三仁亦指近殷親細思尼父求仁  
語當日成仁更二人

右夷齊

城邊貫石初疑虎塞上擒胡卽射鵬當日不封君莫  
恨後人誰數霍嫫姚

右李廣

又

若調飛將爲邊守更把蘆峰作漢關縱令驕虜能深

入誰遣沙場匹馬還

右蘆峯口

又

貫道雄文透竅靈儀形從古仰亭亭吾行獲近公遺  
采擢筆群峰眼倍青

右昌黎

又

孤竹城邊一水廻空明不受點塵埃問渠那得清如  
許爲近夷齊古廟來

右濼河

沙河驛

燕關無處不塵沙况復沙河較更多匝轂沉沉成霧  
障飛窻浙浙透烟紗風回最怯迷魂陣水濁堪傷獨

鹿歌喫苦此行亦未少晨昏幾合和餐加

榛子店主人壁上有江右女子季文蘭手書一

絕覽之懷然為步其韻

綽約雲鬟罷舊粧胡笳幾拍淚盈裳誰能更有曹公  
力迎取文姬入洛陽

原韻

椎髻空憐昔日粧征裙換盡越羅裳爺娘生死

知何處痛殺春風上瀋陽

也夫一被奴被虐令為王章京所買戊午正月廿一日酒淚拂壁書此唯望天下有心人見此憐而見拯下又書奴年二十有一缺三字秀才女也母李氏兄名缺數字國府學秀

才下缺亦不可記末書云季文蘭書副使柳公招主媪問之媪俱言五六年前瀋陽王章京川白金七十一買此女過此悲楚黯慘之中姿態尚嬌豔動人掃壁垂淚書此右手稍倦則以左手執筆疾書云

復疊前韻和副使

已改尖靴女直粧誰將蓮襪掩羅裳唯應夜月鳴環

珮魂夢依依到吉陽

次副使韻

遼路仍連薊路縈吾行穿過幾名城雲南纔見馳南  
牧塞北空傳有北平蠻子方音猶漢字麗庄水耨尚  
東耕傷心虜俗移人甚恠我衣冠眼見生

清漢雜處混淆難別

而清人指漢人為蠻十漢人指清人為獯子云遼燕數千里皆旱田獨高麗南一坪下水濕且沃饒宜於稻稻民皆以此東國水耕之法為農庄之得名以此云

玉田贈王豐垣公濯

王即先人也厥後詩箋書幅往來不撥中間六七年南遊不歸今訪之則才以五月歸家矣

有客三韓奉節過尋君歲暮到烟蘿  
鯉庭已飽芳名久燕市猶憐俠氣多  
舊迹不禁今涕淚素心寧隔此  
山河清尊半夜霏瓊屑更勝慶卿和筑歌

次副使韻

戍削官驂減舊肥脩程還喜近幽畿  
譯持生舌今須熟賈倩他金且莫揮  
遼俗易汚人盡變堯封欲問世

都非蒼穹不是全忘漢早晚重恢有轉機

到薊州觀戲子口占

男子鬚眉偏氣像女娘塗抹亦嫵媚  
眼看人世皆兒戲任汝排場一哄然

次副使韻

我愛當年方叔語盛衰未洛占名園  
即今蠻塾還全廢自昔臺隍只半存  
藍玉在田那足採豐城藏鐔又奚論  
薊門獨有迷烟樹尚帶風埃盡日昏

次副使薊門韻

薊門千樹晚霏霏冷靄淒烟極目飛  
空裏似嵐常鬣



隼望中如薺轉依微郭圖平遠真堪比海市虛無倘  
與歸迴日登高春更好且攀僧閣拂塵衣是日氣頗不平不得

歷訪獨樂寺故末句及之

次副使漁陽韻

秦政肆然氣勢張盡亡人國欲無亡漠北防胡還浪  
計一胡先已在咸陽

又

玉環不向馬嵬死天寶應先蜀稜亡可恨沉香亭上  
睡夢中多是戀魚腸

滹沱河口占

滹沱一帶水流漸正憶蕭王急渡時雲臺功伐知多  
少須讓河水第一奇

途中記所見

以大車載碑石馬驟五石挽之或將立石紀平南之蹟或云將用

於黑舍里氏新墓

二八輪車五百驂他山鍊得自燕南未知且勒何功  
德驪墓媧陵亦不堪

烟郊舖遇大風

漢虜相逢定不分冥濛八表入昏霧明朝為報飛廉  
約戒路燕都但辟氛

修翰林

年少通州佟姓豪自言官是翰林曹直來炕上垂鞞  
坐先向腰間索佩刀

通州

雄州設險帝都東海轉江漕萬里通從古樓臺霄漢  
上至今歌吹綺羅中賈舡夜泛天津月酒幔春飄碣  
石風如此皇工文物會緣何束手與山戎

又

通州坊郭出雲霄亂後繁華不盡凋萬里漕河環作  
闌千尋柁軸匝爲橋歌鐘俠窟喧喧鬧裘馬奢風箇  
箇驕舊日忘軒詩句在不堪鄉思倍迢迢

忘軒李曾  
號也

### 東嶽廟

曾聞天曆始經營殿宇崇嚴擁百靈碑版壇除森顯  
刻簿書廂庶列陰庭奔越士女無冬夏警衛神兵有  
甲丁欲向都城聊暫憩乍沾茶椀渴喉醒

次副使韻

今日燕都異昔時世間何事不參差明堂敞却千瓊  
帳太液飲成萬馬池亡恠夷風無戴履誰分酪味有  
澠淄五噫六歎無窮恨欲倩蘭成寫所思

又

三省攜衾殊不恨異鄉徂歲却生悲先廬酒谷曾辭

退半路金川有別離正憶點盤桃菜日仍思滄雪煎  
茶時發春第切歸朝祝道春年豐更路夷

次副使韻

行行十月向幽州燕土陸沉今幾秋殊方客子此時  
恨亡國河山無限愁千年易水別離地三載文山居  
處樓嗚呼願取薊門酒 酌黃金臺故丘

用李白杜陵上人詩

且廉律法

又

都燕豈是厭南方總為防戎籌策長高屋建瓴元自  
壯重門擊柝詎云妨如何妖祲連關內終遣愚謀策

路傍痛哭當年遺詔在至今我庶憶前皇

途中記所見

騎驢男子年半衰左牽佳人白馬羈馬上時聞嬌笑  
罵如何穿市故遲遲

又

路上胡姬十七八粧車露面無羞澀亦有雲鬟解避  
人腰肢裊裊簾間立

題畫

誰取蒲桃架許作冠髯巢已遺甜頭嚼又從寬處跑

又

一馬方翹陸一馬猶繫樹馴者固可愛怒則必能步

又

一馬方嘶雲一馬猶藍草觀其意態雄滅沒千里道

又

一寸耳挖子挖取耳中垢無乃太聰聽害作家翁否

詠荔茭

聞道南州驛使廻玉妃親劈荔茭開清平製進猶霑

醉潤渴宜先太白才

詠蒲桃

蒲桃初逐博望來漢帝園林盡意裁一顆滴來口吻

爽何須仙掌露盈杯

除夕

餞歲寧嫌報漏遲異鄉風物覺依依爭喧儺鼓兼燒  
爆共貼茶神且畫爐去意脩鱗誰得禦羈心倦鳥不  
如歸鐘鳴結束趨班地章甫偏憐異越儀

息庵先生遺稿卷之六

息庵先生遺稿卷之七日錄

擣椒錄 下一百八十四首

癸亥元日

次書狀參宴後作

留館

人日

復次 三首

次書狀韻

買書

次崔承太韻 六首

永夜無寐戲用五更轉體以述羈懷 五首

玉河館述懷

元夜

聞皇帝設戲

次東坡食荔芰韻

次陸放翁遠遊篇

次副使韻

次副使韻

次副使韻 二首

又次是字

燕京感懷 八首

三疊是字韻 一首

六疊是字韻 二首

又次是字韻 三首

今日始納方物

燕偷

部胥

淫祀

不葬

燕京雜咏 八首

題獨樂園圖障子

有感

歎息

清人欲以紙代米索賂金久不完

留滯

復次左字韻

歸期只隔三日以青春作伴好還鄉為韻 七首

脚疾復作 連夜苦痛漫占

次副使韻

復次

又次副使三絕

貢米事猶未結未又留一日

苦待

塵

次副使韻

朝發北京 三首

次副使韻

通州次忘軒李公韻

次書狀咏夜韻

次書狀浴鷗韻

通州次前韻

次副使早發韻

曉發三河

次副使途逢土雨韻

薊州

燒香

玉田縣

王生言西湖今作飲馬池大橋盡供燕燕云

次豐潤主人韻

夷齊廟

永平府曉發

到山海關修 啓付灣裨先還

欲觀望海亭風遇不果

早發口占

胡人以獼猴作戲

過彩亭橋

贈別王公濯

王母忌日

清風臺

和副使清風臺七律

晚出山海關二首

次副使韻二首

復次來韻戲為行旅問

連山驛途中三首

還宿杏山

大凌河途中次前韻三首

復疊催字

咏王翠翹二首

聞書狀坐車致傷

一行以朝站稍遠為苦以詩解之

次副使苦寒韻二首

孤家子途中

次書狀韻

次副使韻四首

曲尺河途中口占

又和記里鼓體二首

效豈體

大凌河

次副使韻二首

復次前韻二首

聞書狀坐車致傷

一行以朝站稍遠為苦以詩解之

次副使苦寒韻二首

孤家子途中

次書狀韻

次副使韻四首

又用前韻 六首

憶道淵

潘陽途中

潘陽城南有 孝宗大王築館舊基有感恭述

早向遼陽

三月三日遼陽途中 二首

次副使韻

疊雙字韻

冷井

石門

狼子山

再疊雙字韻

青石嶺

連山途中

有感

青石嶺途中口占

次副使韻 二首

會寧嶺疊韻字韻 二首

四疊鈞字

五疊

六疊

七疊

八渡河

次副使韻 二首

復次副使咏鳳城搜驗之什

鳳凰山 四首

九連城途中

聽流堂

納清亭

聞書狀登 百祥 次副使韻

安興遇雪

洞仙嶺

聞上山嶺巖洞奇勝自鳳山迂入失路而還

上山洞府



黃鳳之間路聞民言感歎而作

次副使葱秀山韻

息庵先生遺稿卷之七

擣椒錄下

癸亥元日

衰年作客復今宵忽滿靈著握裏條北海簡書徒感  
慨西州詩律轉牢騷人生百歲愁為半鄉國千山夢  
亦遙預想鴨江歸渡日汀花故在鬢毛凋

奉次書狀叅宴後述感之作

鷲越魂交度九扃儼隨東弁會明星千官環佩趨諸  
殿百部鞶囊出內庭夢裏正欣親 袞散覺來誰識  
落鞦韆春回返國真非遠隱約華山在眼青

留館

一入烏蠻節序催居然陽律動新灰贖金未許經年  
納封印還從幾日開每憶賈則非歲至尚求通譯趁  
春迴驕癡公事真難了愁緒續紛只舉杯

人日

無端深鎖玉河隈底事初幽坐夏臺每數雞聲愁夜  
永頻聞馳咩怯風飈三春政自明朝始七日先從此  
夕迴更恠隣胡何伎倆六時鐘鼓不停雷

風試之果然

復次

跋履山租與水隈提將函幣到燕臺堯封禹服知今  
變羌舞奚歌任爾承眼為瞻服長北望心因隨斗自  
東迴開關預想驅車出意氣真同奮蟄雷

又

征車一入薊門隈為予青蓮攬冰臺駿骨亡來奇畜  
盛華音變處異言承但憑樓閣銷憂去誰挽滄波灑  
耻迴往事荆高尤激感義聲千古尚轟雷

又

不分燕薊是窮隈一夕春光遍戍臺遲旭煖未無作  
暄輕颺弄柳不須承羈驂蹊蹠時懷騁倦睡依微日

夢迴此際政宜攜伴去與君東出試車雷

末篇為和書狀示韻

次書狀韻

羈况無因慰在茲幽憂百疾更交資昏眸謫視垂偏  
好軟脚倩扶坐亦宜虛想春闈占蟾子實疎金帳酌  
羔兒歸時衰鬢還成雪競說冗童定共疑

買書

燕市曾聞萬軸存此來籤架費閑緝文章載道斯為  
盛賈豈爭言豈必論前代禁書仍十失今朝著眼奈  
雙昏只應分許親朋去暴富三冬足習溫

次崔承太韻

聖祖驅胡孽神州復一同衣裳華夏域南北帝王宮  
壇鉞威常遍衢尊酌不窮悱懔偏字小曾亦覆吾東

又

忍說前朝事流氛雜犬戎龍淵虛玉几虎賁撤金宮  
南狩鍾山遠東遊碣石窮三韓恩入骨泣涕向蒼穹

又

只是懷歸計誰能解苦顏西河辭廢館東海出雄關  
冰細縈遼帶雲堆繞薊髮一看松鶻色應似到家山

又

舊俗觀燈戲元宵結彩成冰懸鮫出水籠掛月臨城

薦酒瑤琴響行橋寶襪鳴可知忘凍夜霜雪不勝清

又

羈棲何太久自覺少情瀾留處真同苦歸時且一歡  
燕山春欲遍鄒谷雪還殘鄭產曾知策賓荆不用壇

又

汎載羌胡室中原禮義無玉多燕石雜官有魏金模  
網密嚴經史貫高數百駒何當大洗滌一復舊黃圖  
吟病孤館永夜無寐戲用從軍五更轉體作五

絕以述羈懷

一更夜初昏燭花稍灼灼一行共團圓談笑間六博

又

二更月欲上前窻微映白人散覺夜深棲心睡淡泊

又

三更益無聊依依就枕宿家山頻夢歸不恠歸路熟

又

四更夢屢覺頻問夜何許僕夫正駒駒時作睡中語

又

五更苦難曙披衣輒起坐副使有新詩清吟且細和

玉河館述懷示副使

春回一疾轉侵尋深館仍憐共越吟縱賴詩篇時到

眼還愁藥裏正關心  
明宵萬國看新月  
此夕孤城憶故林  
算得歸期猶費日  
淚江花柳定陰陰

元夜

盈盈皓月正滄涼  
佳節元宵此夜長  
八表歛烟兼歛霽  
九街疑水復疑霜  
誰家珠箔邀清照  
幾處香車踏素光  
多少三韓未歸客  
一時東望憶吾鄉

聞皇帝設戲復用脛字韻

峇嶢結綺九天隈  
上國元宵設戲臺  
鮑郭排場真傀儡  
魚龍闥技正紛脛  
懸齊華月燈珠滿  
散作繁星火爆迴  
虎兇况聞方出柙  
吼時崖壑怕成雷

北京諸果如砂果  
葡萄之屬過時如新柑  
橘甚賤  
橙子稍貴  
戲次東坡惠州食荔芟韻

葡萄液滿好經春  
香橘霜橙色色新  
三百荔芟雖日啖  
豈宜長作薊南人

燈下閱陸放翁詩得遠遊篇一十韻讀之有感  
倚韻走筆

受命行萬里  
理裝攜一劍  
日短襪中線  
風銛肌上砭  
拈香圃老祠  
下車牛翁窆  
嶽崎大興路  
高閘憑危塹  
禦暴誠可期  
峙糧奈所歉  
隄從棘城看  
堞到慈母覘  
安西憶南帥  
壯烈跨赫燄  
清川幸禾凍  
江水綠堪

染涉旬抵龍灣箱篋重披檢歌奏琴亦清杯行酒更  
醞一別鴨江水毳腥真可厭驕悍彼所習禮容我自  
歛牛馬踐庠序弓刀代牘檠嗚呼園中汗盛椀驚玉  
豔燕都已過歲苦心同刺刺春回玉河渚春水日灩  
澦想我羨陰田沮澤足荇芡云何滯此間歸期久未  
占豈獨故鄉思實係邦國念愁來和放翁一償詩債  
欠

次副使韻

幽愁况復值春陰悶見饑鴉噪晚林備技百千真變  
態狙公三四太多心掉來譯舌誰長筭枯盡詩腸但

澀吟有夢還家差慰意茫然覺後更難尋

次副使韻

蠻館寥寥斷谷楚乍清聾聵只晨鐘吟同越國鬻人  
苦睡似斬園老卒慵絕塞春光占弱柳故山歸路指  
連松此中未有消愁物琥珀深杯不讓濃

次副使韻

他鄉換歲轉堪憐久客心情倍黯然近塞風沙春似  
雪一窻燈火夜如年園梅正想留寒藥汀柳仍看羃  
暮烟此際可能馳轄去不妨歸醉北亭顛

又

殊方何特厭風霜韃韃回回又在旁此月還期真錯  
計幾時公事且完場恒歸蝶夢疑非寐若渡龍灣却  
是鄉坐想青丘新歲泰五雲官闕繞祥光

又次覓字

此中還往亦憐是談話欣然勝鼓鐘長晝暮評聊遣  
寂閒宵琴響不爲慵行時攀折方烟柳歸日追遊有  
赤松預想角巾休沐處綠波如酒一江濃

燕京感懷八首

直北居庸接薊門范陽知是古燕分春風乍到黃榆  
塞明月初生青草墳十八拍爲笳曲節三千騎作健

兒群可憐永樂龍興地官闕當天漲虜氛

又川詞使韻

英皇往迹足傷憐欲說崇禎更愴然社稷于公真一  
介乾坤申歲是何年煤山閣毀唯衰草天壽陵空只  
冷烟堪恨終衣無繼烈幾時由孽起叢顛

又

天王昔歲撫東封十萬瑊戈破島戎漢將銘勳河帶  
細周兵設犒海尊濃二年克蔡由皇斷此日免魚想  
禹功徧小可憐無報地曲江春淚只沾胸

又

曾聞慶曆昇平日順義行封靖虜氛但飾翠鈿調舊  
豔更無黃鶴怨新婚邇來沙塞通茶市底事河湟報  
陣雲歲送白金三百萬女真還復畏奇溫

又

鄭經割據今三世聞道臺灣近穎泉南粵尉佗聊左  
纛東征楊僕幾樓船炎洲翡翠中原絕日域琉球海  
舶連蠻土戰爭終未了八閩民物日騷然

又

玉河深閉困吾曹散步無緣出行邀長袂鳴琴應媚  
嫵高歌擊筑孰雄豪中華禮讓今餘律大國儀章盡

佩刀歸日倘乘開館早一尊燕市醉春醪

又 用副使韻

十年晨踏午門霜每捧紅雲在殿傍未有牙鉞稱武  
庫何曾紫鉞擅詞場江山急病真吾分桑梓歸休是  
我鄉異地懷 君無別事東方暎出挹羲光

又

金粟之南廣岸東天教著此角巾翁有時水月流光  
處無限雲山變態中烟柳一江搖浪碧晴窻十里射  
霞紅永言更覺攀依切隱約牛川入望通

三疊是字韻



三旬塊蠶斷聞是陽律居然到來鐘蘇得病驂千里  
倦養來疲僕一生慵政看春至懷園柳欲報東還憶  
寺松幾日定離沙塞去故山雲物盡情濃

又

喜甚清詩替枉是劃然深省發疎鐘映來珠玉真慙  
穢歷盡風塵且病慵此夜共看變館月幾時同對掖  
門松金繒似有輪官日歸意如今覺漸三

又

不念殊方便絕是歸心長憶漢陽鐘已驚塞柳渾堪  
折莫遣鄉鶯更報慵南寺有花宜片月西林買屋護

孤松須思物理恒回換喫破千辛興定濃

六疊是字

深如空谷已稀是幽似禪房亦斷鐘聞月留成南海  
息一春眠得北窻慵西關嫩綠箕隄柳故園葱青鶴  
嶺松行到二京宜取醉發醋新釀莫辭濃

又

通官輩來到門外方今譯舌採  
同事情仍以非語次前韻轉聲

聞汝門前響早是須將大小應如鐘若言耕織具均  
苦試運驢騾亦並慵半萬本非生土地一元胡忍責  
箕松此間掉舌能回斡面幣從公意內濃

試歲來而木編輪來之弊與米無異故方欲  
呈文兼陳此意一三語出禮記關西松都例

皇朝詩林卷二

於中江春秋開市偏送耕牛而上年行喪十  
死八九無以備送故今行移春禮部請法而  
每部額星格頗有操攝之意爾銀五千既未  
見成又不即捧故兩聯云然

是字又離又次三篇都成十首矣一詠皇帝出  
遊海子二却述鄙懷而皆即事也三亦抒感而  
作並塵台覽

南陌喧喧咽萬是平明駕出響華鐘舊時鶉野天  
醉此日燕墟帝亦慵鏡吹已多聞折柳泰山應復有  
封松六駟控得須回路莫待雷塘酒興濃

又  
空館誰能作谷是閉門清臥數隣鐘幹將四事三成

錯病得全旬九害慵無策遠來留雪塞不如歸去聽  
風松春明返命東華日三月韶光濃復濃

又  
生平蓬藿怯人楚夢寐何曾到鼎鐘惟有酒甚堪獨  
樂且疎詩筆為多慵先朝當日曾憐軾後輩今時  
却畏松同館與公輸寫盡交情似淡是真濃

今日始納方物 正月一十九日

萬里攜金幣三旬閉玉河今朝始拂拭終日費輪駝  
似軫江山遠難充溪壑多富公爭一字驚弱益堪嗟

燕偷

白日大道間黃金置床左跛足彼何人  
自言病在脛三年積瘡破從醫市膏藥付煖覓爐火  
火熾膏液融似欲開瘡裏忽然近主面貼得雙眼安  
仍取床上金去若風前簸眼開良已艱賊逋誰更奈  
茫茫影響絕恍惚烟霧墮吁嗟怯篋徒詭計誠亦夥  
吾聞此邦人官高倍黷貨衣冠兼盜賊古人不欺我

部胥次前韻

荆禮部序班吳應鵬

昨觀行乞人哀叫在路左亦有求錢僧巾衫設草座  
茲皆迫饑餓身危且產破雖捐我錙銖亦拯彼水火  
云胡部胥徒乃復索苞裹彼此窺機事中間占便妥

有心常反覆有舌常弄簸神姦不復辨虛謾實無奈  
自夫名分壞日見典章墮荆舒縱莫懲躐躑又何夥  
刻章與偽書太史稱奔貨何當鋤此輩此言非爲我

淫祀次前韻

胡人喜淫祀於道實云左一村一佛宮一室一神座  
群祈雖轉盛七戒都已破身常穢葷肉手每拈香火  
緇冠間婦女藩落亦同裹自謂神所祐家間事百妥  
闇者以眩惑愚者以揚簸吁嗟日染汚此俗其無奈  
坐令華風殄終甘鬼國墮野鬼飽已久家鬼饑且夥  
况聞尼父廟牛馬相僧貨其誰障狂瀾距彼而助我

不葬次前韻

我行入中國遙遙歷遼左家家設神龕村村供佛座  
獨憐彼中野槿櫝半已破蠅嘍與狐食豈異投水火  
口宜有貝合體宜有襪裏云胡不懸封窆彼深泉安  
積草日縈蔓風沙日凌簸蟲蟻怒爲誰烏鳶親則奈  
饒然骨一暴能無淚雙墮前路亦多有羌俗蓋漸駭  
况聞賣骨肉至親反相貨吁嗟墨者道不及揚朱我

燕京雜咏

直北山萬疊鐵關中天起自古夷夏界設險分彼此  
如何萬騎入倏忽如平砥依依舊烟嵐蒼然杳千里

又

太液上林中滄波滿禁籞風濤若溟渤日月生兩渚  
石鯨今不見龍舟杳何許唯有堤上柳春風却到汝

又

聞道蓬萊雲五色起祥靄紅映玉皇座白繞詞臣筆  
春風遍仙島紛緼媚晴日今胡變朔氣徒然暗瓊室

又

昔聞西山雪岑巒白崑崙初日更照之鮮妍曜朝采  
今冬少潤澤山光黯不改倘非滕六怠無乃邦之罪

又

一片蘆溝月千秋照行旅初疑霜雪光復道星河曙  
河橋漸欲曉南方自茲去但悲江湖影淪落今何處

又

古樹烟雲暗平蕪碣石開燕金昔懸處落日滿故臺  
昭王邈以遠樂生安在哉齊讐旣未復驅馬且歸來

又

舊聞玉泉水千古掛練匹飛流度石梁皓色常瑩澈  
今來歌獨漉無由映明月況此古館井苦濁不堪歡  
獨取蘇卿雪煮成瓊露潔

又

樹林有高低烟光易明昧烟與樹相值湏洞不可解  
薊門一千里烟樹如雲海或言烟非烟曠漠生異采  
或言樹非樹依微作籠蓋或言無烟且有樹古樹古  
樹生青靄或言無樹只有烟野烟似樹爲光惟此言  
譎詭多惑人明者一辨斯爲快

題仇十洲所畫獨樂園障子用蘇長公韻

公生百世上我生百世下每慕公出處高風臥綠野  
忘世豈荷箕托興異持竿一斥金陵法廿經伊洛夏  
名園號獨樂花竹極幽雅三逕連藝圃萬籤蓄書社  
從容畎畝間若公真儒者而我嗟苦晚所知慙亦寡

微才懼樸遯重任當鈞冶方將求一退忽復馳驅馬  
此間得此圖玩閱不忍捨有田未歸去益覺顏生赭  
感歎遂題詩拙語同嘔啞

有感

嶙峋金玉潘東門更說夷陵在薊分舊史曾聞留帝  
腊此邦還復起皇墳他山鑿得車連轂塞畜牽來馬  
幾群世事卽今多感慨幾時東塞靜烟氛

歎息

歎息幽州事可悲太平今失是誰爲石郎賂敵遼稱  
父唐主蠱戎祿作兒虛索燕山空壘日實經元祖定

都時地歸中國纔三百塞殺依然漲四陲

清人欲以白綿紙代貢米而乃索賂金多定卷  
數迄不完矣蓋禮部左侍郎饗星格以滿堂貪  
婪用事故也

二月燕山費越吟思鄉日日只歸心包來書軸還頻  
解罄盡瓶罌却屢斟知白審能輕一字陶朱堪復棄  
千金今朝告示須催掛倦騎行當熟路尋

一作朱公

留滯次前韻

昔我初辭國發朝自海左 嚴命受宸闕勝餞羅賓

座北來歛改歲月已四回破絕漠非我土邊烽斷通  
火上林無鴈歸塞信誰傳裏拘幽饒百艱履險稀一  
妥托身風燾間終日任搖簸譬如籠中鳥欲出知無  
奈夢寐忽奮飛時得鄉園墮正想湖上亭時物日應  
夥吾歸一高臥風月不用貨春水碧於天白鷗閑似  
我

復次前韻

征驂滯薊南歸路指遼左主客始蠲日餞我設燕座  
牢戶今一啓錮鑰行當破泥中似躡雲凍餘如就火  
僕夫整衾裯商旅理包裹逝將出關去熟路輕車妥

唯喜邊月皎不懼胡沙簸額頰雖阻艱奮飛其吾奈  
機帛幸速脫樊籠寧更墮巫間雪初消浪江春已夥  
花柳匝城市若張羅綺貨行矣觀覽富淹速當由我  
歸期只隔三日一行喜可知也以青春作伴好  
還鄉爲韻作七絕每篇三韻皆以一字連押  
歸鞭東指海山青園柳湖波想倍青牢鎖五旬頭盡  
雪可能今日亦重青

又

銷半烏鬢二月春風光不似故園春吾行明發催歸  
去倘赴湖山爛熳春

又  
奚囊底裏幾篇作  
太半殊方遣愁作  
但願歸時便入  
蛟詠歌長向田園作

又  
一路春風作我伴  
絕勝空館影為伴  
東歸結識還多  
在無數江湖白鳥伴

又  
人言行樂春為好  
何似遠遊歸更好  
歸日吾亭倍奇  
絕西湖宜雨又晴好

又  
十月征人三月還  
故鄉遙待隔年還  
江南此役吾多  
媿不及曹公幹事還

又  
曉脂征車指舊鄉  
出門便似已歸鄉  
朝陽郭外東瞰  
近望裏紅雲是我鄉

舊患脚疾復作  
達夜苦痛漫占  
故國歸期只隔晨風  
淫何事轉侵身  
誰憐度足征蠻  
將爭笑偃躬使魯人  
扶杖政堪尋社席  
乘車那得入  
宮闈東陽聞有華  
清水倘待秋風一洗塵

次副使韻



迴日還從來路過春風何似旅情多  
呂望臺下留磯石姜女祠前長帶蘿  
千古聖清曾避粟至今臣節此爲柯  
懸知歷歷吾行處興到時時不廢哦

復次

辛苦災星已閱過出門前路與偏多  
明妃舊塚思青草賀老遺居想碧蘿  
車渡黃沙雲滿磧徑攀蒼石樹交柯  
何時到岸行津筏鴨綠江頭記舊哦

又次副使三絕以咏三事皆即日事也

聞道明珠留大內爲論東費會黃扉  
如得金輕仍幣減何須粟輓更蕩飛

右貢米事

又

上殺公讌列葡萄西種多勝禁苑桃  
開尊縱有杯傳席閉館其如逕沒蒿

右馬宴

又

北賈饒財偏積錦東人無寶只攜參  
果知廉五爲良策不必朝三有怒心

右開市

十二日貢米事猶未結未胡商且有抑賣之計  
賈譯俱不得發市姑留此夕將以明曉作行

屈指征車待十三今朝何事又停驂  
流年已覺靈著滿留日還將衍策叅  
行處遼山消積雪到時華岳謁

晴嵐東歸試覓安身地棋局唯應逐李愬

苦待復用前韻

苦待十三三亦過此行牽滯一何多既無於國增抄  
忽悔不將身退薜蘿懷遠駟蹄當熟路喚歸鶻舌在  
高柯誰憐此夜羈留地寥落吟成越客哦

塵

燕山無日不風塵孰是噓吹巧汚人蔽得重霄成混  
沌眯來一目失嶙峋室中不掃謀知拙甕裏常生吏  
却循安得超身清淨界俯看區內息氛氲

次副使韻

滯北曾無似我遲五旬蠻館迭春曦羈愁日日難消  
著試學文山集杜詩

朝發北京二月十五日

政得三春半今廻萬里初角知生倦馬膏亦潤行車  
東嶽辭靈廟南山想弊廬辛勤戒徒旅長路莫虛徐

又

宵旰今安穩黔黎亦奠休方從大臣後彌切小民憂  
歲月違鄉國山河屬薊幽朝驂纔發軔歸意日青丘

又

三月拘幽久今朝始脫然乍離阿鼻地真躡堯玄天

縹緲遼山翠徘徊薊月圓飛騰歸路快幾日到龍宣

次副使韻

纔經玄律又花朝歲月何曾與我饒來日凍陰冰片  
片歸時春色柳條條西湖舊有驢堪策北海今看節  
卡凋預想還朝佳景象共修膀子上金橋

通州次忘軒李公韻

名州稱寶窟氣色上干霄越貨常通海胡兒亦弄潮  
治粧工學趙突騎健於遼控扼雄都地由旬不道遙  
次書狀咏夜韻

萬里踰冬客羈留曷月旋通州今得返春色正堪憐

寶肆羅吳貨晴波引越船旅中此夜勝柱鬼十分圓

次書狀浴鷗韻

江平鷗浪濶橋穩駟車馳到此聊成憇觀渠亦一奇  
高人猶可狎俗物莫相羈滿路風埃色吾甘受汝嗤

通州次前韻

近都都會盛前朝湊轂珎藏亦擅饒閩海萬重檣百  
丈潞河一曲柳千條舞笙歌管聲長咽翠閣紅樓彩  
不凋最是風烟堪畫處水村初日上津橋

次副使早發通州韻

古稱佳麗此雄州清潞縈回抱郭流巨賈千金頻脫

手妖姬一曲費纏頭通漕置廩堆紅粟跨海連檣起  
翠樓欲向東門望鄉國歸途日蹕不須憂

曉發三河

是日黃霧四塞或言土雨

曉發三河縣氛霾不辨方乾坤渾異色日月並韜光  
似霧還疑雨無玄只有黃災祥那足問遠客倍嗟傷

次韻使途逢土雨韻

大地誰非土全燕却是塵如何霾日軸兼復動風輪  
世眼渾成昧天心未孰嗔看人鬚鬢色笑殺白塗銀

薊州

千古漁陽壯北陲可憐樓堞盡崩隳功輕白豕馳朱

札駕困青驪泣蜀岐鞞鼓幾曾驚往代腥膻空復汚  
今時生憎文六金身佛覆敗相隨莫救爲

胡人有以獼猴作戲者

豎儒比項生曾辱戲子扮關死亦羞可恨千秋英烈  
者盡輪擺弄一猴猴

燒香

代北名山號五臺峰頭九十寺崔嵬已知有佛無天  
子今日燒香帝自來

過彩亭橋

午飯螺山店歸途向彩橋石隕無行轍溪淺不漸輶

未見紅亭勝空餘綠柳搖春寒兼朔氣盡日却調刀

玉田縣

懷田嘯

季漢多奇士徐無爲弔田成都留故迹辭爵感當年  
壯節同欒布高情似魯連孔明曾並世惜不與周旋  
玉田贈別王公濯仍次扇頭韻

萬里燕途著倦鞭今朝復路政經年世無晉盼留吳  
客子似嚴平認蜀賢酬得篇章寧偶爾感來風樹益  
悽然音徽別後須相寄猶是東西共一天

王生備言西湖今作飲馬池六橋花柳盡供樵  
蘇云

聞說西湖閱劫灰江南何處不堪哀銷金鍋裏洗兵  
去放鶴嶼邊飲馬迴花柳六橋無舊樹烟霞三竺有  
空臺施家昔日傾城色爭及無鹽刻畫來

次豐潤主人韻

知有仙居不遠人漁郎無路認芳津却來數片桃花  
色漏洩深深洞裏春

王母忌日

二月二十日

王母如親母年年哭仲春殊方今值諱此日倍傷神  
兒已能興俯妻常供藻蘋想應將事夜萬里更懷人  
夷齊廟

爲尋孤竹指灤津春到空江水霧暄扶去君臣終揭  
義讓來兄弟各求仁灑蘭清簟泠泠集瀉玉哀湍決  
決奔欲和遺歌歌一曲乾坤幾日掃烟塵

清風臺

清節祠留萬古聲清風臺下復松庭挹來孤竹無邊  
翠俯得水灤徹底明遠客衣冠勤禮謁故山薇蕨薦  
芳馨何當并乞傾河雨洗掃氛塵靖八瀛

永平府曉發次副使韻

東望雲山簇曉青歸心自覺與春生朝看出日傾微  
悃夜識迴約感遠情細草丰茸隨岸茁小溪幽咽入

河鳴咽宸關路催車去佳句還應興到成

生於東  
則建卯

亦東也皆足以助  
鄉思故領聯云耳

又和副使清風臺七律

雙節祠邊萬古臺披襟颯爽亦佳哉松聲謾謾如調  
瑟灤水泠泠不染埃義凜已昭星日揭風清須闢袞  
氛開山中薇蕨真堪採欲嗅遺香未忍迴

到山海關修 啓付灣裨金挺鎰等先還

鄉園遠屬千山外消息全稀四朔餘今日始封歸國  
狀一時兼付問家書弊裘緝緝當初暖華髮蕭蕭覺  
益疎稅我行裝元有地湖亭春色近何如

欲觀望海亭余適有寒疾且遇大風不果  
飛亭高壓海山僧准擬今朝快一登平步塔梯虹縹  
縹迴臨溟渤鏡澄疑何來大壑厖狂象却閉幽房縮  
凍蠅莫使南華聞此語定嗤鳩鷺搶榆能

晚出山海關

故國人東返雄關塞北馳來曾詢法禁出豈犯征譏  
却恨聽雞晚還憂數馬遲驅車到涼不落日澹輝輝

又

馳出長城第一關三千鄉路日東還春生凉水青縈  
帶雪罷胡岑綠擁髮敗壁基存憐杏壘故園名似憶

松山行行默計歸途遠新月箕城定更彎

早發口占

中夜無睡每令張榮弼出  
外下方視星以察昏曉

客睡元難著脩程復夙裝疲驂時勸秣雇役許分糧  
半夜占星舍將晨候月光知時政賴汝還懼易沾霜

次副使韻

駸駸四牡出燕關曾識華戎界此間遼野西南皆渤  
海幽州東北盡胡山故園時物春嘗遍絕塞風烟我  
亦還動靜相嬾元至理願從歸日馬長閑

又

昔來當日至今返已春分留滯憐人衆虺隤情馬群

南園應綠草北塞正黃雲冷節看將近莞兒亦上墳

曲尺河途中口占

涼水朝驂早東關夕駟催阪歌車轉滯流曲路仍回  
野火燒山遍溪風倦東關前途猶尚遠愁思晚悠哉

今日之行幾四由旬若非余先著鞭殆未易及

此復次來韻戲為行旅問

忙錯會知畏愁中路却催思驅一傳去經渡八流回  
落日中原晚春風故國開行行戒徒旅曷月余歸哉

又

歸意雖相急長程未易催車常遲似退驢亦倦疑回

風拍胡沙暗天低遼野開驅馳誰得慢行李自悠哉

又和記里鼓體

迢遞間陽

各縣

野羊腸

各河

畏路尋龍城雖壯鎮

各堡

狼子

總殊心二道

各站

愁歧失巨流

各河

怯水深何時通遠

去直到鳳凰

各城

岑

又

迢迢寧遠

各備

接無間

各山

此去松山

各堡

百里餘欲訪賀

翁廣寧

各鎮

隱正如工部永安

各橋

居雙旗

各堡

道并

各站

愁

新店

各店

百戰凌河

各河

愴舊塘多少邊城

各站

行歷盡鳳

凰

各城

還似到吾廬



連山驛途中

玄貂白馬赤纓鞦人道頭胡是達官長程隊隊流星  
去千里烏江幾日還

又

轉輸白鐐三千錠陸續紅砲四百車聞道北方治戰  
艦烏龍還復似長沙

又

一帽黃封搭背文胡兒躍馬自成羣平沙管管如風  
驟知是烏江報陣雲

效崑體

少小垂髫女丰茸十二三玉柔膏欲滴桃嫩露初含  
映戶如常畏開簾乍作慙忽聞嬌語笑高棟燕呢喃

還宿杏山

料峭春風作晚寒杏山西畔夕陽殘英雄百戰終遺  
恨敗壁崩墮不忍看

大凌河

劈面東風似剪刀春寒塞日正蕭蕭終年咽咽凌河  
水疑有英雄憤未銷

大凌河途中復次前韻

東風何太劇暮勢轉南催柳柳應千遍攪花定幾回

唯看沙磧合那得霧烟開入夜調刀歇行人且慰哉

又

曉霧迷人眼吾行且吳催卞方車待指失路馬爭回  
轉見彌充斥誰將便掃開仍思襄野困七聖亦勞哉

又

故國逢春好歸心鎮日催鄉江巴曲折閨字錦交回  
盡室行當去維舟願即開疎慵那供世廊廟可休哉

次副使韻

蕭蕭萬馬寂無喧塞堵真同渭上朽漸欲經營收舊  
域何曾反效新垣讒成明月齊疆失翳彼浮雲漢

日昏黧黹青編今洗否九邊應有未銷魂

右哀哀督

之受禍也以挾虜議  
款為案故第四云爾

又

凌河戰血日成殷相國專征駐此間每惜浮雲迷魏

闕空留明月照秦關田園耆舊傾葵切幕府英雄種

菜閑每誦錢生人物論高陽終古仰高山

右僕已出

師凌河賦復關外七堡專以謀去幕府請人  
如茅元儀鹿善繼皆以才略名俱廢不用錢  
教齋嘗以詩贈公曰朝廷議論三遺矢社稷  
安危一賦蓋憤時語也公名承宗高陽人

復疊催字

終夜風聲鬧知將雨意催忽看初日上爭覘早霞回

客路雖妨濕春田且易開吾鄉恒病早憂念亦勞哉

復次前韻

羈愁詩輒遣征役句頻催已慰多時住便忘此路回  
風烟沙塞遠節物故鄉開賴得公酬唱朋遊亦幸哉

又

寵溢憂方切官高病與催林泉非必好疲蕭自當回  
野色牛川潤湖光斗峽開公詩真得我一詠意佳哉

咏王翠翹

翠翹事見潘之恒巨史本傳  
明史亦云投江而死乃實錄

鹿門鏡曲似西京少保功名沸海瀛平生一著欺心  
事錯配佳人與老兵

又

萬折千磨薄命身何須辛苦事和親江湖畢竟隨西  
子悔作當年誤主人

聞書狀坐車致傷久坐路上作詩慰之

昔曾憂犂确今卒困坡陀老斲雖甘失中傷更苦多  
知存前轍戒其奈遠途何火伴皆相慰新詩爲子哦  
一行頗以朝站稍遠爲苦以詩解之

曉發雖云遠行行自可堪長程七半百早邁四勝三  
朝銳時無失先難理亦叅一旬稍得耐吾到鴨江南  
次副使苦寒韻

雪落風掀塞日微青春忽復釀玄威蒙茸蔽體吾何  
恨多少征人盡薄衣

又

野曠風鈹敗絮疎不須行色問何如山中楸拙曾偏  
煖正憶龍門舊弊廬

孤家子途中

頂上高懸只箇圓平垂穹幕際長阡曾無塊壘寬二  
尺却有颯風動四壩千里荒墟皆白草數家孤店但  
寒烟何當涉盡遼河去著眼鄉山翠挿天

次書狀韻

新易車輪勝於前轍云殊可喜也

胡馬曾高價燕車想重酬涂知方軌穩工亦斲輪優  
前路餘千里吾行費幾郵從今應趣駕不滯暮亭投

次副使韻

黃龍纔返尚天涯逆旅空吟鄭謫詩待到鴨江東渡  
日此行方道是歸期

又

別筵前歲鴨江涯瑤瑟清歌爲賦詩想得東人臨水  
望計程春日說歸期

又

詞源倒峽浩無涯俊逸青蓮百首詩東國近來文彩

盡請公努力古人期

又

吾家亭子廣津涯合著騷人幾首詩且待春江濃似酒西風一棹與公期

又用前韻

凜寒時節蘄南涯長咏坡翁玉宇詩且待兩旬歸故國九重春色早朝期

又

尋春春不到天涯樂府虛傳折柳詩試看野草初萌日却是園花欲落期

又

茸茸細草發溪涯春意還催旅客詩仍憶去年艾羹節南坡曾與故人期

又

量來才分已逾涯懼甚鴉梁有古詩紫閣黃扉非處所江風湖月是襟期

又

春風小艇著湖涯滿目江山畫裏詩今日殊方尤係戀白鷗吾不負前期

又

江閣那能問水涯須公先惠寄題詩他時幸逐鴟夷  
去訪我烟波是好期

憶道淵

天涯作別思無涯灣上書仍川上詩世間至情唯父  
子可能無負我相期

瀋陽途中

二月風猶甚連旬日亦微天時方冷節塞雪遽寒威  
的皪非花發沾濡雜雨飛陽和今不見何處覓春輝

瀋陽城南有一高隴卽所謂野坂者也

孝宗大王築館舊基亦在焉過而有感恭述一律

昔年一先后駐黃龍指點遺宮野坂東久仰康土驚  
虜帥慣聞英主聳蒲公周旋未遂中原約寤寐還虛  
九世功箕域免戎今已矣小臣於此涕沾胸

早向遼陽

朝向遼陽郭歸程喜日添衝霄看白塔沽店認青帘  
樹樹迷烟暗山山露黛尖東君稍用事還復戢飛廉

三月三日遼陽途中

是日又是巳日也

每值佳晨憶故邦三三上巳復兼雙山本自無花  
草遼水爭能似曲江何處踏遊羅作袞此中鋪與玉  
爲缸唯慚拙句多荒藪不敵村謳唱一腔

又  
終古遼陽接薊門依然舊郭認長存千年鶴已留仙  
語經歲吾方返使轅河咽似魯悲太子草腓那解怨  
王孫今非吾上聊歸去花柳擬看俱水繁

次副使韻

十三曾別大凌灣情繫依依惜翠鬟今到遼山如舊  
識遼山日復近鄉山

疊雙字韻

經年莫道滯殊邦喜甚同行國士雙况伴春風歸鴨  
水但愁烽火起烏江千金貂敝方垂橐百口糧空且

倒缸幸有吟酬詩律在不妨編玩當歌腔

冷井次副使韻

玉河那用玉爲名厭見污泥漆似涇一勺冰泉人吸  
盡沁人肌骨解人醒

石門次副使韻

地隣令威華表山似劉阮洞門正是桃花三月客程  
悵望桃源

狼子山

合沓群峰繚似城中開曠野一川橫依然去歲恒陽  
路山寺清秋匹馬行

再疊雙字韻

晉駝魯說泣危邦燕闕今憐玉柱雙那得孱王全半  
壁空懷烈祖定三江吟傷瓊樹詩盈橐酌愴金臺酒  
費缸從此行裝歸去早不須河館戀羊腔

清人以羊  
肉為上饌

青石嶺

鄉近遲鄉信歡多懼亦添度崖筍作駕沽峽樹為帘  
决决冰泉滑稜稜翠石尖何當還此界雄搯用孫廉  
連山途中

絕塞三冬去連山此日廻誰言春夜短自覺暮程催

句已憂星亭之玄閤水回行將渡鴨綠不上望鄉臺  
有感

去歲燕都繫玉河今朝遼路鬢全皤鄉山漸近差歡  
慰節序頻移足感嗟澤閔春畦其雨切倉空漢粟奈  
民何歸來願得投簪去隨意烟波著釣簑

青石嶺途中口占

狼山多峻極危嶺昔曾聞此路皆青石中峰出白雲  
巖臺千砌疊澗壑百流分定費神工斲真成大劈紋  
崖懸棲鵲屬藤掛走鼯群望蟻秦封記通牛蜀道云  
霧斑疑伏葉淵恠或游瀆峽積當春雪時清幾日氛



涉艱憑杖力度險策籃勳三復垂堂語題詩慰苦勤

畫家有大斧  
劈紋之語

次副使韻

嶺路繚回幾曲鈎陟來梯棧最高頭通天箭筈看飛  
鳥特地車箱有服牛古洞洩雲懷鏡寺春崖留雪想  
水輶歸程只費三宵夢渡彼灣碕破客愁

又

西河恂悶似嚼鈎東路唯思一出頭且慰故城尋化  
鶴不須前徑憶庄牛冰消穩渡三流水日暖徐驅二  
嶺輶椒桂自然回焦境悟來真悔舊時愁

會寧嶺疊鈎字韻

防身嶺路一純鈎不怕玄熊坐樹頭嶽勢橫奔疑萬  
馬棟材虛擲想千牛巴丁運鑿曾開逕燕賈輸金自  
挾輶終日二嶠行歷盡回思絕磴尚懷愁

又

終日窻簾不上鈎轂塵如霧漲車頭雪消荒磧時驅  
馬燒遍春田好放牛村僻鎮東便稅駕水深甕北懼  
沾輶此行最苦諸川壯八渡渡來始豁愁

四疊鈎字

不道塵緣枉見鈎偶因推轉到高頭鞿羈違性莊生

馬爵祿非心百里牛此日邊荒驅羈矢他時墟落擁  
柴輶角巾亭上清宵月散盡留燕幾斛愁

五疊

幾牻蛻絲與月鈎蓬壺寤寐憶鰲頭江湖自在閑臨  
鷺鞮絡何煩鬪馬牛漠漠黃沙今返節紛紛紫陌孰  
安輶鳴夷往躅吾師表只管烟波不管愁

六疊

昔我龍門把鈎鈎清秋日日坐磯頭閑門種樹偏多  
柳故渚燃犀也號牛無事田園行款段有時雲木聽  
句輶風塵一出還增感浪泊居然萬里愁

七疊

歸來寶鏑歛吳鈎遠使無能媿虎頭麻札徒聞魯制  
馬葛侯誰得更流牛山谿宿昔無方軌商旅于今盡  
試輶漠北氛昏連近塞暮雲斜日不勝愁

八渡河

杖枒老樹亂相鈎小坻臨流似讓頭幽澗水深多飲  
鹿平坡日夕有歸牛依依景物懷東峽歷歷行人盡  
北輶形勝卽今非我土西民那得解邊愁

次副使韻

行盡東站峽裡溪山多有與關東僻  
邑佳境相似輶用副使韻記感

峽裏飛泉灑灑鳴漸舒春日晚偏晴谷中欵欵禽相

語河畔青青草又生崖雪微留前歲白水風輕漾一時  
清此來關塞渾忘遠爲是雲烟媚客情

又

縈折長川又一河劇憐晴浪似輕羅空山百里人誰  
渡絕塞三春我獨過正好持綸垂白石奈無游艇弄  
清波沉吟日夕空歸去且唱滄浪一曲歌

復次副使咏鳳城搜驗之什

聞說關譏似距鈞從來是事重邊頭前朝每戒茶爲  
馬此日翻嫌書汗牛檀策未施先出柵范謀唯在急  
藏輶收看數籠寧無路縱費裹苞莫費愁

鳳凰山

雄鎮百里鳳城秀出幾點螺髻依稀蛾眉雪中縹緲  
太華天際

又

萬里遠辭鰈域今日纔還鳳岫天涯望見數峰客裏  
如逢故友

又

或云今之鳳城蓋乃麗代安市小國敢嬰王師孤城  
獨拜天子

又

誰割東地五百今入中原幾年試觀山河物色尚有  
檀箕風烟

東地五百出戰國策

### 九連城途中

霏微小雨乍收晴晚撤關譏出鳳城鄉信欲開添感  
淚家山漸近破愁情望來黛色千峰出涉盡河流八  
渡平行到九連便刮眼統軍亭北暮雲橫

### 聽流堂

脚踏遼陽冰雪來眼看龍朔已春迴聽流堂下溪池  
水貯碧涵青一鑿開

### 納涼亭

漸煖春陽悶午程忽看林樾聳軒楹兩行高柳垂  
綠一道平川泱泱清正好披襟邀颯爽還思把釣  
空明徘徊爲覓涪翁句丹碧渝來字亦更

丙子九月還自徽烏題詩壁間其詩曰世已  
憂無奈身應死始支秋風離別意葉落萬重

山今訪之  
則已公矣

聞書狀與本道都事節度大同督郵同登百祥

### 次副使韻

絕塞樓譙壓漢關遠縈河嶽勢迴還蕭森朔氣千峰  
外約略韶光二水間坐擁春潮侵粉郭平看明月滿  
香山行臺綺席今華敞絲肉懸知慰客顏

安興遇雪

急雪隨風落晚途前峰皓色正模糊恰如小李舟翁  
筆寫出銀泥萬壑圖

洞仙嶺

谿訝洞口樹交枝棧路岩嶢百轉斜春日漸暄家漸  
近嶺頭初見杜鵑花

聞上山嶺巖洞奇勝自鳳山迂入失路而還悵  
然有作

曾聞仙洞此中開行盡山谿失路回疑有秦人深自  
秘溪流不放片花來

上山洞府

為尋幽境入仍度石門行山學糝糕重泉疑珮玦鳴  
知煩大匠斲孰與化工爭耽賞孤吟地渾忘負夕程  
黃鳳之間髻白相攜百千為群皆言

聖上以特命罷本道五斗別稅之米西民庶有更生  
之樂願達此謝意於九重云聞來不勝感歎  
詩以記之

天涯使節歸來日 恩旨喧傳動八方連歲旱乾災  
幾歲 十行哀痛淚雙行正看衢路民情聳爭祝華  
嵩帝社長况有諸儒時並進贊襄何以報吾王

次副使葱秀山韻

葱葱秀色擅東區勝地溪山也自殊潭底鱗鱗魚動  
鏡巖間泱泱玉鳴壺數行丹字真仙遠一霎清娛妙  
句須撫迹不堪懷舊切石林斜日獨踟躕

椒性辣螫人喉雖久而不除故昔人於辛芒艱難  
閱歷年時而有不可忘焉者則輒以比之於擣椒  
往者鄭湖陰自燕歸時有詩亦云擣椒剩有餘辛  
在誠有味乎其言之也然湖陰奉使正當皇明熙  
昌之運聲明文物單被遐荒則其所稱辛苦盖不  
過原隰征役而已雖以之譬之噉蔗可也顧余今

日之行所接者鱗介與語者侏儻劍槩盈路葷羶  
塞鼻玉河五旬之拘蟄遼路易歲之行李比近時  
冠蓋為尤苦雖欲更見如湖陰時又何可得耶副  
价柳公尚運沿途有作輒以相示余從而和之前  
後所詠幾至三百六十餘首錄而題之曰擣椒集  
姑以志不敢忘昔之意云爾癸亥季春息庵病夫  
題

息庵先生遺稿卷之七

